


滿洲名臣傳

廿七下



內閣文庫		
函	冊	號
三八	一六〇	二三〇五
類	書	漢

內閣文庫		
番號	漢	2300
冊數	160	(54)
函號	290	43




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





旨詳察賦役全濟應行更改增刪者謹採訪
 輿情臚列八條滇省自明初置鎮設衛以田
 養軍名曰屯田又有給指揮等官為俸聽其
 招佃者名曰官田其每畝租入較民賦十數
 倍猶之佃民納租於田主我
 朝開滇之始吳王桂留鎮就當日之租數充
 正供之糧額相沿至今積遺愈多官民交困
 所當改照民賦則起科者也滇省塩井
 有九灶戶徒井汲滴用柴薪煎煮工費甚繁

兩州名是傳卷二十七

民

以各井行塩之多寡爲每征課之重輕阿陋
等六井井小課少辦納猶易若琅井每斤征
課六厘白井每斤征課八厘至黑井每斤征
課一分六厘此明末亂時額外橫加較明初
原額每斤二厘有奇不啻數倍今卽難議盡
減於原額當減黑白二井照琅井每斤六厘
者也一開化府自康熙四年吳三桂勦平土
酋後勘丈額田七百五十九頃有奇每畝科
米二斗六升三合較之在昔未設府以前每

畝不過二三升相去懸殊且通省民糧最重
者惟河陽上則田每畝征米八斗一合有奇
今當酌量減半與河陽縣一例者也一元江
府由土改流吳三桂因官兵駐防糧運不繼
遂于額糧之外別立名色曰田錢地講銀曰
茶商稅銀曰普洱無耗秋米曰浪媽等六寨
地租以元江之崎嶇山谷如此數倍之糧寔
難辦納所當各減其半者也一通海縣六寨
地糧較民賦重幾二倍當改照新定民賦科

則磔嘉縣每糧一石征條編銀四兩有奇較
通亦爲偏重今旣歸南安州附征卽應與州
一例每糧一石征條編銀一兩四分者也一
麗江界連土蕃古稱荒服吳三桂叛後割金
沙江以內喇普地與蒙番地去而糧額猶存
所當刪除者也一建水州自明時設隴元泰
將歲派村寨陋規銀三百二十六兩馬料雜
糧八十二石原由貪墨取求吳三桂以搜括
軍糧遂編入正額所當裁革者也一新平縣

之銀場易門縣之銅廠開採年久礦斷山空
尚逃匠散各官捐賠課稅難免派累小民所
當盡與豁免者也茲當更造全書

聖諭諄諄惟恐民情壅闕臣會同經營錢糧
諸臣再四忝酌敬陳各條伏祈

睿裁垂之永久疏下所司議俟全書刊定

頒發遵行是月擢兩廣總督三十二年三月
疏言瓊州總兵吳啟爵奏瓊州所屬黎地應
設一州四縣建築五處城垣增兵防守等事

部議令臣會同確核隨委惠潮道史起賢等
往渡海履勘復集省城公同商酌建城五處
工費浩繁若依鎮臣所奏土石竹木就地取
用近黎出力遠黎出米則以不滿九千丁之
黎岐勢需數萬人之工役使農工盡棄田畝
盡荒安保其甘心餓莩而不為刦掠至設立
州縣所以治民今黎岐不通語言披髮裸身
僅以片布遮其下體野性難馴其地半皆峻
嶺高山深林密箐東西自薄沙營至寶停營

只三百餘里南北自烏石營至藥安營亦不
過三百五十里中間田畝皆就山溝零星耕
種不足以供賦稅安用強設無益之贅員且
設官必設役每州縣歲需工食千兩水土毒
惡瘴氣彌漫外來之人不能服習易至損傷
前明海瑞俞大猷諸臣議開通十字路者蓋
由其時武備廢弛邊臣全無經緯平日虛兵
冒餉有事罔上邀功調兵十餘萬費餉數十
萬動輒數年故爲此議終未舉行今鎮臣懼

執前人之說與現在情形迥不相符應毋庸
議惟正白之水尾東北之太平營正西之溝
沙東南之寶停皆黎人出入要路原擬鎮標
兵三百名仍當留駐其增募之兵三百名亦
作為經制責成鎮臣相險設防毋致疎虞再
飭瓊州道府及近黎各州縣加意撫綏俾沐
皇仁期於久遠疏至

上日閱瓊州輿圖周圍設州縣而黎人居中
如果此處應取古人何為將周圍取之而在

圍內彈丸之地反棄而不取乎不入版圖必
有深意創立州縣建築城垣有累百姓不准
良是三十九年十二月令總兵唐光堯勦撫
出犯寶停營傷害兵丁之生黎王鎮邦等旋
就撫投順因疏劾遊擊詹伯多雷瓊道成泰
慎遣人入黎崗探取花梨沉香滋擾啟釁各
款請解任勘究給事中湯右曾據揭糾劾言
黎人拒聞事起于上年十二月遲至一載始
行題報有扶同掩飾希圖欺隱情弊

詔石琳及巡撫蕭永藻提督殷化行同奏
命侍郎凱音布學士邵穆布往審詹伯多成
泰慎論罪有差石琳察奏不先應降二級調
用得

旨從寬留任四十一年閏六月疏言廣東連
州排徭逞兇劫掠抗拒官軍傷害副將林芳
把總陳溥及兵丁役從十餘人

勅遣都統嵩祝侍郎傅繼祖等赴粵會勘分
扼隘口令同知劉有成守備黃起鵬等入排

宣播

恩諭止於首惡不及無辜各徭目遂率眾剃
髮投誠獻出兇首九名正法皆我

皇上神謀聖算威德覃敷所致也嵩祝等遵
旨以設立州縣善後事宜令臣詳籌料理臣
與撫臣彭鵬提臣殷化行悉心區畫爲久安
長治之策連州所轄油嶺等三大排以及香
鑪山等各小排連山縣所轄軍寮等五大排
以及雞公背等各小排周圍約計四百餘里

山嶺崎嶇道途窄狹難以增設縣治莫若仍歸連州連山縣管轄惟于近徭適中地之三河口建立寨城移駐理徭同知一員俾領把總一員兵丁百名不時入排巡察宣講

上諭使知各務本業以杜非為仍兼管連州陽山連山二縣捕務再移駐副將一員都司一員守備二員千把四員把總八員兵丁二千名分為左右二營令副將管領仍兼轄連陽營統隸提督管轄所有同知及副將等官

就近撥移其兵糧應於將軍督撫提鎮各標協營均勻派出依所派之數汰除老弱移歸新舊連陽村莊舊有鄉勇素識排內情形今應就中考驗人力強壯技藝嫻熟者入伍食糧則汛守益嚴矣事下九卿等議行十月卒于官年六十有四

賜祭葬如例文晟琳長兄二等侍衛綽爾們之長子康熙十八年授蘇州府同知由卓異陞雲南開化知府遇石琳任巡撫改補廣西

梧州知府又因石琳為兩廣總督改補山西
平陽知府三十三年二月

諭嘉其居官有聲超擢貴州布政使司九月
遷雲南巡撫三十四年五月疏言滇省屯賦
較民田重逾數倍久在

睿鑒中康熙二十七年以前逋欠屯賦銀七
萬一千二百餘兩米麥十萬七百餘石已蒙
皇仁盡行蠲免矣自二十八年以來欠逋仍
復如舊非軍戶敢於頑抗亦非各官不善催

科也通省民賦最重者莫如河陽縣上則田
糧每畝八升一合有奇地稅每畝五升九合
有奇若屯田則每畝四斗五升至七斗二升
不等屯地亦每畝一斗五升至三斗八升不
等前者臣叔石琳撫滇時曾因奉

旨詳核賦役全書瀝陳屯糧重困未經部覆
仰懇

聖恩將此屯賦悉照河陽縣上則例起科不
特現種人戶易於輸納卽荒蕪無征者亦莫

不踴躍樂輸矣疏入得

旨雲南屯田錢糧較民田額重數倍民人苦累嗣後屯田賦額照河陽縣民田上則征收下所司知之三十六年十一月入

覲會安南國王黎維正疏言臣國牛羊蝴蝶普圍三處爲鄰界土司侵佔請

勅諭歸還

上詢及其事文辰奏言牛羊蝴蝶普圍三處自明時內屬我

朝開闢雲南卽在蒙自縣征糧至康熙五年改歸開化府并非安南之地彼輕聽妄言擅行具奏而又遣兵到邊臣同督臣王繼文仰體

皇上柔遠至意令防守者勿輕動臣思此地久入版圖且在內境斷不宜給還

上命大學士詳議以黎維正輕聽妄言生事妄行申飭之三十七年七月疏言兆勝州逼近蒙番係金沙江下流第一要地請改爲永

北府下部議從之四十三年三月調廣東巡撫四十四年八月擢湖廣總督四十五年四月疏劾湖北荊州府所屬之容美土司田舜年僭造宮殿兇惡不法各款據附近土目向久忠等紛紛具控備錄原詞恭呈
睿覽請

勅察究尋又疏言田舜年居心殘毒行事乖張若不繩之以法恐夜郎自大與各土司仇殺洩忿滋擾邊隅况偏近紅苗勦撫未久宜

彰

國法以懾苗情今值田舜年來省謁見令暫留候

旨不敢姑息養癰致貽後患五月疏言臣閱邸抄奉

旨石文晟所奏并所錄各土司呈詞三摺俱抄錄發與湖南巡撫趙申喬湖廣提督俞益謨看以爲何如勿得相商各出所見具奏仰見

聖明詳慎至意臣自應靜候

睿裁今復檢出出舜年從前叛從吳逆及投誠後逐年不法原案備錄二摺附呈

御覽田舜年已發按察司看守請

勅下兩撫臣提臣秉公究審六月疏報田舜年在省病故時

上已遣左都御史梅鎔內閣學士二格會審遂合疏請追革田舜年原職以其所屬戶口收入版圖

上復遣大學士席哈納侍郎張廷樞蕭永藻覆勘還奏田舜年未曾僭造宮殿其兇惡不法等事亦無寔據業經病故其土職以其子承襲誣控之向久忠等應枷責移徙內地石文晟不能詳察草率具題應降三級調用詔從寬仍以所降之級留任先是文晟以疾乞解任疏

留中未發四十六年五月

諭大學士等曰石文晟人極粗鄙若爲土司

而罷其職似未得體此疏既自行引疾乞罷
可允其請乃

批發草任五十二年三月逢

慶典復原品五十九年八月卒年七十有八

達都列傳

達都滿洲正白旗人先世居那木都祿以地
為姓

世祖章皇帝順治四年由筆帖式授吏部副
理事官八年

忠詔予騎都尉職十二年四月疏言

皇上下開言路在京七品以上官員咸得進
奏則兵民何以綏緝糧賦何以充足邊疆盜
賊何以捕滅各抒所見可也乃御史張嘉以
添設滿洲關差致多擾累為言又不指明何
地關口何人害民何民被勒多取徒以向無
而添設既撤而復行謂不足取信天下其意
不過以關有滿官則官民貨船不徇情面一
體征稅故獨忌滿洲偏私顯著今天下雖定

邊患未寧總督巡撫布政使責任甚重必當
仍用舊人俟太平日久不分新舊一體任用
謹陳管見以

聞下部議關稅滿漢兼差督撫九鄉科道會
推布政使新舊一體論俸陞轉應俱如定例
行妄奏之張嘉降一級調用六月擢吏部郎
中十三年四月因河西務鈔關員外郎朱世
德虧課一萬三千餘兩照戶部議援
恩赦免罪吏部諸臣并坐詹狗達都草騎都

刑部郎中

聖祖仁皇帝康熙二年隨都統穆里瑪出征
湖廣署叅領勦滅流賊餘黨李來亨等于茅
麓山明年師旋議初領隊時失利退還不殿
後禦賊致損隊伍及登山墜崖自傷右脇詭
稱爲滾石所中應革職籍沒鞭責得

旨寬免籍沒披甲軍前効力六年復用爲刑
部郎中八年二月遷光祿寺卿十一月授秘
書院學士十二月充

世祖章皇帝寔錄副總裁九年十月改保和
殿學士兼禮部侍郎十年二月充
經筵講官十一年七月

寔錄告成加一級食一品俸十一月擢戶部
右侍郎十三年六月大軍勦逆藩耿精忠達
都奉

命往浙江督餉文官布政使武官副將以下
俱聽節制鑄給總理大兵糧餉兼管地方兵
馬一切事務印八月疏言浙省舊設杭嚴巡

道嘉湖守道金衢守道各轄二府康熙六年
裁併杭嘉湖爲一道金衢嚴爲一道在平時
可節冗費今大兵雲集軍務繁劇道管理三
府未能兼顧請如舊各管二府仍分設杭嚴
道以便料理錢糧軍務下部議如所請行十
月疏言原任建寧府通判何源濬前以朝
覲回闕于今年三月過浦城縣一百二十餘
里聞耿精忠叛亂賊兵已陷建寧從役勸其
始往投順收集家口誓死不從妻子親丁盡

拋棄賊巢徒步七日行一千二百餘里至杭州請兵其忠貞可嘉曾經巡撫田逢吉疏聞部議暫留浙省俟福建恢復仍赴原任現已羈縲半載無任可赴無俸可支似堪憐憫請與敘用得旨何源濬聞耿逆變亂拋妻子徒步請兵深為可憫下部從優議敘以浙省知府擢用十一月田逢吉因疾解任詔授達都浙江巡撫達都疏言巡撫事繁責

重浙省常用兵之際民心搖動臣才識未裕精神已衰自揣難勝厥任現署巡撫之布政使陳秉直年壯才優素為民心悅服乞勅部補授下部議不准特旨允陳秉直陞補巡撫達都仍以原銜理餉十四年二月疏言大軍分勦叛賊處州溫州指日恢復催辦糧料綏緝流民均惟道府是賴請於在浙軍前勤勞素著之官酌量選補以留浙效用僉事姚啟聖補溫處道通判

王國泰補温州知府運判線一信補處州知府又疏請以辦運軍務勤勞最著之經歷許嗣華縣丞鄭廷俊等分補廳縣正佐官二十餘員俱下部議從之九月疏言衢州等處大兵雲集浙省本年鹽課先經奏准按季征解難供急需温州陷賊金衢台嚴處五府地丁銀兩催科莫應杭嘉湖寧紹五府卽照額全完僅供駐防滿漢官兵俸餉今大兵每月約用銀二十萬餘兩請就近撥給以濟軍需下

部議撥長蘆鹽課十萬兩山東地丁十萬兩赴浙應用十五年八月康親王傑書統師自金華移廐衢州達都前往經理糧餉十一月疏言大兵俱已進圍軍需甚多陸續解銀二十萬兩又將現存司庫銀五萬兩委官隨臣解赴圍省統計滿漢綠旗官兵每月需餉數十萬兩圍地殘破無從措辦請於就近省分地丁鹽課等銀內添撥五六十萬兩徑解圍省接濟大兵供應疏下部議撥江南庫銀四

十萬赴閩十六年七月大軍由閩入粵達都
與副都統沃申等駐湖州十七年五月海賊
鄭錦犯海澄將軍賴塔由湖州帥師赴援海
賊楊金目等聯艦由鰲頭突犯團山達都與
總兵馬三奇遣兵撲勦賊五百餘生於長髮
賊五名炮沉賊船追至寮口賊由急水東岸
遁十八年八月

召補戶部右侍郎十二月至京

召詢賊情形奏言臣來時廈門金門賊勢大

挫賊船較前甚少聞海中糧米無從湊集賊
不能久不日可定

上曰今海禁甚嚴賊糧從何而來達都奏賊
所恃屯糧之處俱爲大兵所有惟向廣東高
州海島稍稍竊運而已

上曰當賊匱糧之際大兵速取海澄要害之
處則賊失所憑依全閩可定夫師行旣繁民
力重困若能一舉滅賊地方速平大兵無野
處之苦民困自此甦矣十九年七月轉左侍

郎十一月

命往盛京會議鹽務還奏

盛京新舊官兵及百姓呈訴未設鹽商之前食鹽每斤不過三四文自設商納課以來每斤至十餘文又鹽舖俱設於府州縣城貧民自屯庄往買有悞農業且路遠多費因傳問鹽商等又據稱鹽課已勉強認納價值斷減少臣等伏思八旗新舊官兵皆賴田禾爲生地方百姓係安插招徠流徙之人盡屬窮苦

且吉林寧古塔居住之人并新滿洲及邊外蒙古等俱遠來買食自康熙十八年招募商人准行鹽引一萬三千七百七十四道征課銀六千五百二十三兩十九年加增鹽引三千一百道征課銀一千四百六十八兩在官征課無幾食鹽之昂貴倍增應停止鹽商辦課仍照舊聽有鍋之人煎鹽依從前賤價售賣不許豪強霸佔責令奉天將軍戶部侍郎察禁下部九鄉等議從之三月調吏部左侍郎

郎二十一年二月遷左都御史七月卒
賜祭葬如例

蔣赫德列傳

蔣赫德本名元恒世居遵化天聰三年
太宗文皇帝統師征明克遵化選儒生俊秀
者送

盛京入文館讀書元恒與焉

賜名赫德崇德元年授秘書院副理事官

賜人四戶及牛驢七年分編漢軍八旗赫德

隸廂白旂

世祖章皇帝順治二年四月擢國史院學士
五月充明史副總裁三年四月教習庶吉士
四年三月充

殿試讀卷官六年正月充纂修

太宗文皇帝寔錄副總裁五月復

命教習庶吉士七年四月以繙譯三國志成

賜鞍馬九年三月充

殿試讀卷官五月因朝鮮國王李溟陳奏國

內外奸徒陰謀詛咒圖爲不軌俱已伏辜事
赫德同侍郎伊勒都賚
勅往朝鮮慰問十一年三月擢國史院大學
士十二年正月奉
詔直陳時務疏言察吏而後可以安民除害
而後可以興利方今百姓大害莫甚于貪官
蠹吏懲治之法惟恃督撫糾劾以其確知屬
員之賢不肖也每見各督撫彈章指事列款
贓跡累累及奉

旨提問招擬覆奏計贓科罪不及十之二三
不日事屬于虛則曰衙役作弊卽坐衙役者
又多引雜犯律例聽其贖免何所懲憚而不
肆行其志乎其始也官胥明比虐取瓜分事
敗之後官則嫁名于吏以覬然灰吏則假賞
于官以成展脫究之官吏優游兩獲無恙糾
劾雖行竟成故事此因循之積弊也請
天語嚴飭嗣後各督撫糾劾貪官審結覆奏
之時必全述原奏疏語款數如前註明開報

官及承問官職名某款不寔或係開報官捏
造或係承問官故縱務窮源質訊使是非不
容並立果係衙役詐騙者亦按律坐以應得
之罪不准折贖則貪蠹清而民生蘇息矣得
旨下所司嚴飭行二月

諭獎密勿抒誠贊襄竭力諸臣加赫德太子

太保十四年正月修輯

太祖高皇帝

太宗文皇帝聖訓以赫德爲總裁十五年七

月改內三院爲殿閣銜授文華殿大學士兼
禮部尚書十月充武

殿試讀卷官十六年三月

諭獎勤勞素著諸臣加赫德少保兼太子太
保九月同侍讀碩博渾賚

勅往封朝鮮國王世子李柎爲朝鮮國王十
七年二月引疾求罷得

旨卿清慎素著佐理有年念時有疾病准解
任調理

聖祖仁皇帝康熙元年六月復設內三院
詔起爲宏文院大學士二年三月調國史院
大學士九年九月卒年五十有六
賜祭葬如例謚文端

阿爾護列傳

阿爾護滿洲相紅旗人姓富察氏世居輝發
地父鄂拜

國初來歸管佐領

世祖章皇帝順治元年隨大軍入山海關擊

走流賊李自成三年隨貝勒博洛征福建明
年敘功予世職一等輕車都尉仕至相紅旗
蒙古副都統第三子幹爾達襲世職阿爾護
其長子也初任長史康熙十三年九月

命醫副都統同振武將軍坤巴圖魯率兵之
河南駐防汝寧十二月賊帥王屏藩叛鎮吳
之茂由四川窺陝西提督王輔臣叛應之阿
爾護同坤巴圖魯率兵赴西安十四年二月
率兵五百守寶雞五月賊兵七百餘由鳳縣

犯盤棋營阿爾護遣兵擊敗之追至天王村
陣斬偽都司李玉國等四百餘級生擒偽總
兵劉偶三遂招撫歸川十二堡偽叅將普國
祥等七員兵一千餘名降八月

詔將軍佛尼勒分兵六百令阿爾護統轄嚴
防棧道諸險要九月同副都統鄂泰分兵三
隊擊敗偽總兵彭時亨等于棧道口仰天池
賊兵隊崖死者無算復有偽總兵李姓冉姓
引賊千餘由棧道螞蟻河出口立三營于九

龍山阿爾護率兵八百星夜進攻大殪之生
擒十七人獲器械縱釋賊營婦女二十九口
歸其家十月偽總兵石存禮黑那俊楊天保
徐崇炳任德旺等率兵八千出棧道踞益門
鎮口分七營覷寶雞以援平涼阿爾護與鄂
泰曉諭諸軍此棧道隘口營壘能以克者與
克州城一例論功遂分兵一由西山岡上一
由東山岡上一由中路直指賊壘鼓勇奮進
自已至未盡破賊七營追奔十五里射死偽

總兵一矜斬偽官兵二百餘獲木印二偽劄
二百馬匹旂幟盔甲器械無算又敗益門鎮
賊兵四千于仰天池山下及益門鎮東邵家
山黃兒子溝沈家坡等處尋遇偽總兵四人
偽副將六人率賊五千踞黃兒山拒戰擊卻
之賊不敢出棧道十五年二月以軍前効力
屢次殺賊立功定授廂紅旂蒙古副都統是
年大軍克平涼阿爾護隨將軍穆占移師湖
廣十六年擊吳逆偽將軍吳國貴于長沙力

戰歿于陣十七年九月

賜祭塋如例諡敏壯贈三等輕車都尉世職
以其子博禮襲

世宗憲皇帝雍正二年以阿爾護入祀昭忠
祠

偏圖列傳

偏圖漢軍正白旗人本姓李諱內務府

聖祖仁皇帝康熙十三年八月由奉宸苑催
長應

詔揀選授都司銜赴陝西勦逆藩吳三桂叛
黨署督標右營遊擊十四年二月叛賊李長
腿引賊千餘犯淳化三水焚劫三原縣之杜
寨偏圖與遊擊繳應善率兵六百自涇陽進
勦至紅水溝擊李長腿等生擒四十餘人獲
旂械馬騾又隨揚威將軍阿密達軍長武率
綠旂前鋒兵由南路抵瓦雲驛於偽守備二
遂與副都統鄂克濟哈兵趨涇州遇賊眾扼
踞險隘迎戰數次俱擊敗之進薄城下賊出

城迎拒復斬三百餘級克其城偽總兵衛民
譽等逃出南門踞寨拒守偏圖率兵圍寨斬
衛民譽降其餘眾三月同護軍統領舒淑擊
敗賊首馬瑞軒于靈臺賊退踞陶家堡攻克
之斬級百餘四月同鄂克濟哈赴慶陽進援
寧州沿途招降二十餘寨入州城偽總兵魏
虎山馮嘉德等領賊兵入干踞山城出拒偏
圖率綠旂爲前隊進攻自辰至未攻克山梁
於斬甚眾賊遁蕭家山斷壕踞守翌日偏圖

分兵兩路夾攻斬殪過半餘賊遠竄乃旋軍
涇州六月同副都統穆舒瑄敗賊于鎮原縣
八月隨貝勒洞鄂勦叛鎮王輔臣于平涼偏
圖率兵二百五十名同護軍統領阿哈多等
仰攻高阜賊壘破之十二月是授右營遊擊
十五年二月同副都統吳國正援商州復山
陽縣旋師擊敗偽總兵李茂榮于寬平里斬
級百餘四月賊眾陷三原之西陽鎮偏圖馳
救賊潰遁追至鳳凰山收撫陷掠男婦百餘

五月隨大將軍圖海圍平涼偏圖駐軍虎山
墩斷賊糧道王輔臣乞降圖海以偏圖屢著
戰功題陞潼關副將得

旨偏圖會經効力行間今勦滅賊寇之時仍
留軍前征勦遇缺另補十六年六月授陝西
督標副將十七年閏三月進勦興安偵賊二
千餘踞小山嶺掘壕樹柵偏圖由窰兒溝繞
出嶺旁攻毀賊巢追逐至香泉殪賊無算十
八年十月攻梁河關破賊營七遂復興安及

漢陰石泉等縣僞將軍謝泗僞總兵王永寔
等各率眾降十九年三月
諭獎偏圖屢著戰功令隨勇畧將軍趙良棟
恢復四川進征雲南貴州二十年正月
詔設雲南總兵七以偏圖與副將馬山等卽
補時逆賊胡國柱王緒擁眾二萬餘拒馬湖
趙良棟檄偏圖堅守雅州整飭官兵相機由
間道規取象嶺太渡河曬經關矜僞守備楊
名聲于柴經縣斬賊一百二十餘五月隨大

軍克關山關沿途屢敗賊眾陣斬墮崖死者
無算復黎州奪大渡河隘口沿河追賊于火
場坝山谷中僞總兵蔡國明戴聖明于登明
楊泗等窮蹙乞降六月復越僑衛建昌等處
乘勝入雲南八月渡金沙江駐兵石虎關十
月領兵奪取玉皇閣及土橋東寺西市三市
街進薄城下城中賊平二十一年寔授永順
總兵彙敘軍功加左都督三十年正月入
覲擢雲南提督四十五年復入

觀

賜孔雀翎良馬五十年內遷廂白旂漢軍都
統五十五年九月卒年七十有七得

旨偏圖才技優長久著勞績簡任都統謹慎
持身寔心盡職忽聞溘逝深為軫惻下部議

卹

賜祭葬如例諡襄敏又

諭部曰偏圖前在軍前立功同綠旂官員一

體議敘加左都督今可照八旂例議給世職

尋

允部議予騎都尉世職以其第三子李棟襲

劉秉權列傳 兄秉政附

劉秉權漢軍正紅旂人順治元年任兵部主

事九年三月遷刑部啟心郎十五年裁缺改

刑部主事十七年七月遷戶部員外郎十八

年

詔前此由啟心郎改主事者仍以四品用康

熙元年正月遷僉都御史三年十二月擢

國史院學士六年十二月授廣東巡撫先是
順治十八年以沿海江浙閩粵數被海賊劫
掠且有奸民交通接運

詔遷沿海居民于內地至是廷議展界復業
上遣都統特錦等會勘廣東沿海邊界設兵
防守安插遷民秉權與總督周有德疏言粵
民聞展界之令相慶復歸故土而田疇久荒
其墾復者應年終冊報俟三年後起科尋疏
言粵東有荒棄屯地三千五百餘頃舊額每

畝科米三斗較民田多數倍民不敢承墾請
照民田一例起科庶屯賦不致虛懸又疏言
新還故土之民耕墾無資必量給牛種助其
畚鍤粵東積穀以備賑向卽賑此遷移失業
者居多自康熙六年以來共存穀四萬二千
餘石請量留二千石備給囚糧餘悉酌給復
業之民使資牛種則民沾寔惠穀無漏卮較
每歲零支賑濟更有盈寧生聚之效三疏并
下部議從之九年閏二月御史徐旭齡摘秉

權履任後諸奏章劾其庸懦無能依違成習
徇庇容隱糾誤遲延

命秉權回奏秉權疏辯仍下部察議劾欵俟
經秉權辯釋惟屯糧奏銷由戶部駁詰改正
秉權難辭舛誤之咎罰俸一年六月疏報康
熙八年分安插丁口十萬二千一百有奇墾
復田地一萬七百四十餘頃十年五月疏報
九年分安插丁口三萬一千四百有奇墾復
田地七千八十餘頃十一年五月奏報十年

分安插丁口二萬五千九百有奇墾復民屯
田地七千三百八十餘頃得

旨廣東海疆要地劉秉權連年安插人民墾
復地畝爲數甚多具見盡心料理十三年四
月聞逆藩耿精忠叛應吳三桂疏言福建巡
撫劉秉政係臣同父異母親兄雖自叨各居
已久今福建有變撫臣偷生臣處嫌疑之際
懇

恩罷斥歸旂待罪疏入

命吏兵二部會議時廣東將軍孫延齡亦叛
平南王尙可喜疏言秉權履任以來廉靜和
平素爲文武兵民信服自廣西告變臣與商
酌機宜見其智識淵深議論慎密信之重之
當茲多事之日籌兵策餉正資熟練提督嚴
自明借總兵司道等合詞籲留謹據情入告
詔秉權仍留任五月秉權疏言孫延齡黨附
吳逆叛居桂林已會疏請
旨發兵攻勦但桂林城堅靠山倚水必須炮

火制勝今與平南王議發紅衣大炮四十位
以木馬船載之並備火葯器具送往以冀速
奏捷音又疏言潮州總兵劉進忠勾通閩逆
踞潮反叛各郡民心惶擾土寇乘機竊發乞
勅江西撥兵一千來粵以資勦禦又疏言耿
逆鷓張如聽其安閒布置招兵集餉來犯始
應非計之得也請

敕浙江兵分兩路進勦一由江山縣取浦城
一由温州府取福寧江西兵亦分兩路一由


建昌府取光澤一由瑞金縣取汀州粵東恢
潮之後卽進取漳州之詔安閩中文武荷
朝廷豢養多年一旦脅從原非本意五路並
進各郡自必聞風內應改邪歸正耿逆孤雛
腐鼠屈指滅亡當在數月之內再乘此兵威
移勦吳逆先聲所至已奪其魄若桂林叛賊
大勢更在耿逆之下摧枯拉朽又不足言矣
又疏報碣石衛山賊水寇乘機竊發圭湖舊
子等鄉有賊徒二千餘人犯甲子所城遊擊

李復奇督兵擊敗之六月疏報勦捕藏匿偽
隆武勅印賊首李唐宗及其子于永安縣南
嶺斬之餘黨悉平八月疏言逆賊劉進忠自
恃潮城險固負嶼拒敵挖溝樹柵堅守葫蘆
大山以爲屏障都統提鎮諸臣雖已三戰三
勝而官兵冒暑勞苦仰擊甚難耿賊又發援
兵將至臣有提督軍務之責現擬親率藩撫
各標官兵自省往潮與都統提鎮諸臣相度
形勢分布險要絕其外援斷其糧道乘機誅


拏逆惡用彰

天討尋疏報勦殺沿海水賊千餘級陣拏賊首陸老初等救回被掠男婦五百餘名九月秉權率師至潮州城南隅有鳳凰洲河道外通大海內接城壕爲糧道援兵必經之所劉進忠引逆黨六千餘人在鳳凰洲架木城二踞之以耿逆所遣僞都督金漢臣等列二營于鳳凰臺下秉權與都統尙之孝定議進攻躬冒鋒鏑越堊排柵連破兩木城賊敗奔鳳

鳳臺下劉逆親率二千餘眾迎敵官軍乘勝破其三營賊大潰溺水死者無數劉逆以數十人遁入城陣斬金漢臣等五千二百餘人拏僞副將蘇忠等八十三人獲器械無算別遣副將何九衢等攻復海澄縣十月遣總兵苗之秀攻克揭陽南北炮臺二殲斃賊黨甚眾招撫僞官四十五員水陸營兵三千九百餘名復揭陽潮陽二縣十一月卒于軍遺疏至得



旨劉秉權撫粵有年寔心任事近以潮逆負
 固督兵進勦得獲炮臺招復三縣克奏膚功
 不意積勞成病遽爾奄逝朕心深為憫惻下
 部從優議卹
 賜祭葬如例諡端勤子思儼由廕生任郎中
 秉政者初任直隸雞澤知縣順治九年行取
 授雲南道御史十五年遷太僕寺少卿十六
 年遷左通政尋任寧夏巡撫康熙四年裁缺
 五年補福建巡撫十三年逆藩耿精忠叛秉



政從逆十五年十月康親王入闔耿精忠窮
 蹙乞降
 詔秉政來京旋病死論罪籍其家子孫沒入
 內務府

滿洲名臣傳卷二十七終

天保三

